

Q. D. B. V.  
 SPICILEGIUM  
 PYRETOLOGICUM,

Consensu  
 Gratiolæ Facultatis,

PRÆSIDE  
 RUDOLPHO JACOBO  
 CAMERARIO,

Philosophiæ & Medicinæ Doctore,  
 Hujus Professore Ordinario,

*Præceptore suo Venerando,*

Amico Commilitonum Examini

submittit

CHRISTOPHORUS BURCKHARDUS  
 Hirschmann / Stutgardianus.

In Auditorio Medico

ad d. mart. hor. mat.

---

TUBINGÆ

Typis JOHANNIS GRÆZII,

Anno MDCCV.

SPICILEGIUM  
PYPETOLOGIUM

Contine  
Græcæ Facultatis  
TERTIO

PHILIPPO JACOBO  
CAMERARIO

Medicinae & Chirurgiae Doctor  
Hæreticæ Christianitatis

7. Theophrastus de 4. cunctis  
Americæ Comprehensum Examen

CHRISTOPHORI BURKHARDI  
Surgimenti

In Medicis  
16. 16. 16. 16.

16. 16. 16. 16.  
16. 16. 16. 16.  
16. 16. 16. 16.





Σ. Θ.

**Q**uandoquidem disputandum est, nec id modò, sed & elaborandum thema, quod in disputationem venire possit, quapropter arrisit in primis argumentum, benè jam, nec tamen satis, disputatum, placuitque ex scriptoribus Medicis vocare in partes, quos inter rixarum & litium est plurimum. Scilicet mala februm, quæ nuper Tubingæ incubuit, cohors, Pyretologiæ subjectum, causam, & potiorum rationes phænomenorum admonebat multis & magnis omnia premi difficultatibus. Accedebat principum in arte virorum de super consultorum deprehensus dissensus, ultra quàm par videtur progressus. In primis enim illud scholarum sui temporis flagellum, *Joh. Bapt. van Helmont*, legitur examen valdè rigorosum & exquisitam cribrationem instituisse sententiarum, quas coluit antiquitas, relictas à *Cl. Galeno, Pergameno*. Nolim modò hujus partes tueri, aut de febribus ex professo agere, sed potius operæ pretium duxi, spicilegium modò quoddam instituere, & per modum aliqujus parallelismi potiores utriusque theses proponere. Scopus sive sperandus usus erit, præter clariorem de febribus conceptum, discere, num opus sit explodere veteres cum suis sententiis, an præstet retentas emendare, perficere; an planè aliæ & novæ sint, quæ substituuntur prioribus; an etiam in hoc passu possibilis sit, quam sunt qui



optant & sperant, medicina conciliatrix. Utar proin  
verbis Autorum (vel Interpretum) propriis, manebo in-  
tra terminos famosæ illius bigæ, (interveniet tamen *Ioh.  
Fernelius, Ambianus*, ob causas dicendas) & indicabo li-  
bros & capita, ut si cui lubet possit recurrere ad fontes:  
Monendum itaque, me uti editione operum Helmontii  
in folio excusorum Lugduni per Huguetanum, item ope-  
rum Galeni in folio, quæ prodiit Venetiis apud Juntas;  
In gratiam autem Benevoli Lectoris, siquidem, ab aliis  
doctus vel proprio cum tædio expertus, nimiam metuat  
Galenii prolixitatem, hoc addo, proflare Epitomen ope-  
rum Galeni, quam digessit *And. Lacuna*; hæc meretur evol-  
vi, nam complectitur pulcherrima methodo universam  
illius viri doctrinam. Quod si denique præjudicium quem  
teneat, ut ægrè ferat reproduci Galenum, tanquam cujus  
in scholis recentiorum dudum fere extincta sit memoria,  
illud ego hîc non declinabo, sed ut ipse prius perspecto  
spicilegio num dignus sit citari judicet expectabo. Series  
ergo thesium pathologicarum, quæ merebantur excerpi  
& conflictui academico destinari, est hæc:

**H**Elmontio Archeus uti omnium nostrorum motuum causa, sic etiam morborum faber est, & quidquid in sanis edit actiones sanas, id ipsum in morbis edit actiones vitiatas. Sive jam Febris sit ipsa pars materialis indignatione deturpati archei, sive reliquæ partis thymosis, quantum ex Ipsius *Februm Doctrinâ Inauditâ* perspicio & colligo, res huc redire videtur: Illud Hippocraticum, quod in nobis impetum facit, est causa principalis, agens internum, propter vel contra causam dicendam occasionalem, quam ut noxiam vult expellere.

Galeno Natura motuum febrilium causa est, quâ laceffitur à causis materialibus; Oscitatio enim, pandiculatio, horror, rigor sunt Ipsi naturæ opera, quæ tamen à morbosâ quâpiam causâ violenter moveri sit coacta. Quid illa sibi velit Natura, ipse ex-



explicat, professus, hoc nomine se nihil aliud intelligere, quam omnem facultatem, quæ animal sive voluntatis nutu, sive citra hunc, regit: omni ergo causæ præternaturam, cujus vitio læditur & corrumpitur animal, totum illud facultatum genus, cujus beneficio servatur, ex adverso opponit, *libro de symptomatum causis secundo, capite primo*. Hæc est illa Natura, quam morborum medicam explicat in *comm. libr. sext. sect. quint. epid. Hipp.* ubi declinat quæstionem, quænam ejus sit essentia, sicuti & de nostrâ animâ, præsupponens modò vim quandam in his ipsis corporibus quæ ab eâ reguntur, inhabitantem; quam in actibus suis vitalibus admirandam, ut ut à nemine doctam, exemplo illustrat *d. loc. aff. l. 6. c. ult*; & de quâ *libr. 3. d. cris. c. 8.* adversus Asclepiadem plurima urget, quòd sit, quòd agat ad animalium salutem, quòd ceteret contra causas, quæ morbos faciunt, expellat superfluitates; quòd potentia, quibus gubernatur animal, omnia ad salutem faciant, tam in sanis, quàm & in ægrotantibus; quòd ipsæ sint, quæ morbos judicant.

Helmontio causa occasionalis est alimentum sub sanguinis assimilatione & transmutatione degenerans, vasi vel parti adhærens, adnatum, pertinax, glutinosum, postulans incisiva. Origo ejus est vel ab ingestis & malè digestis, vel ab excrementis non ritè subactis, aut segregatis, vel à perturbationibus animi, ab archei conceptibus, & conceptuum exorbitationibus; Sive, degenerat alimentum admistione rei extraneæ, vel impressione peregrinâ, vel demum errore indignati vel avvocati archei; *d. febr. cap. 4. ii. 16.* Bilis autem, scholarum fictus humor, & fel, singulare hepatis fermentum, non est causa; Sed pylorus ab archeo propter causam occasionalem pertinaciter clausus, ex detentis procreat flava & amara excrementa, quæ hætenus fellis imagine incautos deludere, illaque elidit abundè frustra, & citra sublevamen: Aut, fel præpositum mutationi chyli acidi in falsum, jam præpostero negotio chylum in amarum recrementum convertit, cujus expulsionem archeus intentus est, quod etiam excutit non rarò, sed ita, ut mox iterum præstò sit quod noviter contaminatur, quia est productum in febribus excrementum, non autem mali radix occasionalis; *d. febr. c. 17. 9.*

Galeno causa illa, quæ naturam cogit moveri, est excrementum mordax, bilis putrescens, (nam intermittens tertianæ po-



tior habebitur ratio) passim per omnes galeni libros accusata, quæ verò *d. temper. lib. 2.* duplex proponitur, vel ex jecinore in ventrem defluens, vel genita in ventre, ceu biliosum excrementum, (mutata ex concursu succorum in primis viis variè, aut nidorosa cruditas.) Undè facile corripuntur febribus, quibus acrimonia mordax superfluit, aut qui naturâ vitiosos habent humores, aut sæpius cruditate vexantur, maximè si post ejusmodi cibos aquam vitiosam biberint, si nimis aut intempestivè laborarint, si balneis usi superfluis, si malè diffilentur, nec purgentur, si medicamenta acuta jugiter sumserint, si supra modum vigilarint, cogitarint, iracundiâ commoti fuerint, &c. *diff. febr. l. 1. c. 3.* Familiares tertianæ cholericis, in ætate vigenti, tempore æstivo, loco calido & sicco, à laboribus, curis, vigiliis, æstu, victu tenui, calido, intensis cogitationibus, *d. art. curativ. l. 1. c. 5.* Non ergò solum humor frigidus, melancholicus, acidus, quem quartanæ adscribit, sed & calidus rigoris causa est, quæ acris, mordax, vehementer agitata, & delatus per partes sensiles, *de rigor. cap. 7.* Etenim tertianæ febres omnium maximè calidæ omnium maximè horrore infestantur, quantoque sinceriores sunt, tanto etiam rigor in eis accidit vehementior. Favet ergò juxta finem *l. 2. diff. febr.* brevitati caliditas, subtilitas, raritas, robur, frigiditas autem, tenacitas, habitus densior, facultas infirma longitudini.

Helmontio nidus febrium in primis est officinis, extenditur scilicet à pyloro per duodenum, per vasa ibidem multiplicia, intestina item, venas mesenterii, usque ad lienem, hepar; Ibi est concursus non modò alimenti malè digesti & degenerantis, sed & entis nescio cujus anonymi, scorix, stercoris liquidi, quod causam atrociorum febrium continuarum prætendit, *cap. 10. §. 17.*

Galeno quartana ex malè affecto splene gignitur, ut tertiana ex affectu jecinoris, *art. cur. l. c.*; Et *diff. febr. l. 1. c. 3.* qui bonos habent humores, ac benè diffilantur, & quieverunt, & quæ circa ventriculum atque hepar sunt, foverunt, his febrile est impossibile. Nam in iisdem residet ventriculi atque hepatis partibus, quod corruptum est, ac paulatim coquitur. Alibi jecoris & ventriculi flammeis dispositionibus superuenientes tribuit ardentes febres, ex quarum genere ipsi est tertiana, iterumque alibi causa

gnarus



gnarus non miratur in febribus, quæ ex hepate accenduntur, ordinis proportionem. In genere *de caus. sympt. l. 2. c. 5.* motus bilis delationisque quæ per sensibilia corpora agitur, simul & symptoma & signum est rigor; sermo autem Ipsi est ibidem de succo, qui fertur non in venis & arteriis, sed per carnes & habitum corporis, & omnia, in quæ incidit, pungit, stimulat, dividit, ac vulnerat. Partium autem corporis, in quibus bilis consistit, unaquæque à se ad vicinam excretrice alienorum facultate propellit illam acrem, usque dum ex omnibus abacta, per sudores, aut vomitus, aut etiam per alvum fuerit excreta; *de rig. c. 7.* In ardentium rigore si decretoriè per carnes ad cutim truditur bilis, sudore liberantur; ubi verò non ad cutim, sed ad interna loca bilis impetum capeffit, per vomitiones simul & alvum vacuatur; non rarò autem simul intrò forasque eodem die delata est, ita ut sudata sit, & vomita & dejecta; *de sym. caus. l. 2. c. 5.* Confer. *comm. ad aphor. 58. s. 4.*

Quia tamen epidemia interdum observatur intermittens, an huc spectat subjectum illud febribus populariter grassantibus adscriptum ab Helmontio? scilicet convexum stomachi, in quo terminentur & imprimantur inspiratæ cum aere exhalationes rerum, proditoriè & insensibiliter vitam nostram suffurantes, transmutando sextæ digestionis alimentum; *de febr. c. 10. & l. de inspiratis.*

Galeno, quorum corpora sunt ad patiendum apta, iis ipse aer inspiratus sit febrium causa, in quo sc. putredinis principium est, à cadaverum multitudine, ab exhalatione lacuum & paludum, vel ad quem aliunde fluxere putredinis contagia, aut pestilentiae semina. Non autem omnes à sole, vino, motu, irâ febricitant, nec omnes pestilentia corripuntur, quia præter potentiam, quæ ab extra venit, necesse est ut concurrat corporis habilitas. *Diff. febr. l. 1. c. 4.*

Cit juxta Helmontium rigores Archeus, non materia febrilis: Sic namque & in ossium exarthrosi dentes quatiunt, & rigores subnascuntur; itemque dum prægnans abortum non vitalem præcociter expellit, *cap. 9.*

Observat Galenus horrorem extra febres exempla, & profert causas quasdam notorias, *l. 2. d. caus. sympt. cap. 5.* si sano corpori ferventem aquam subito infundas, aut ignis scintillas incu-



eas, statim horrore vexabitur. Et *de rig. c. 7.* Acre & calidum medicamentum ulceri admotum primum sanè dolorem infert, mox horrorem, dein rigorem excitat. Ac multos novimus tum riguisse, tum febricitasse, ob ulcera ab acris medicamentis irritata. Jam & inflammationem, cùm in abscessum mutatur, rigorem horroremque comitari necesse est.

Helmontius archei blas alterativum absolvit frigore & calore, hyeme & æstate. Similis in rigore est archeus araneæ, quæ suos quatit casses, ut excutiat peregrinum, quod in illos incidit. Ita pars in præcordiis, cui insidet materia febrilis, primum se contrahit in rugas, excussura sibi adhærens excrementum. Huic autem parti obsessæ à consensu collaborat totum genus venosum, arctatur cum sociis arteriis, contrahitur pellis & membranæ crispantur, rugantur, muscoli trepidant, (nam peculiarem sensum & motum habent, per quem pro necessitatibus se tendunt suo spasmò, insciâ vel invitâ voluntate, *tr. vita multipl. in hom.*) Inde rarus, durus, atque minutus fit Pulsus, frigoris index ac opifex; *de febr. cap. 9.*

Hyemi jam olim Plato comparavit principium febrium: Hoc enim nomine Ipsi venisse frigiditatis in rigoribus sensum docet Galenus, *d. rig. c. 7.* adducto textu, quo genesin febris sibi concepit, & in illâ quidem hyeme congelatam & restinctam vim sanguinis. Definitur autem *loc. cit. cap. 6.* rigor Perfrictio dolorifica cum quâdam inæquali totius corporis concussione & agitatione; At Horror dicitur talis cutis affectus, qualis totius corporis rigor. Quemadmodum ergò materia irritans dicta fuit excrementum mordax, subjectum passionis partes sensiles, & instrumenta partes contractiles, ita scopus est illud excutere, sed magnus tum labor est. Juxta enim *cap. 5. l. 2. sympt. caus.* facultas expultrix est non modò contentorum è cavo stomachi, sed & excrementorum in partibus, quæ naturaliter exhalant, si p. n. consistent & moveantur, tunc angitur natura, & expellere festinat, partium contractione, constrictione, & singularum protrusione. Notabiles hinc *d. rig. c. 7.* deducuntur effectus: sanguinis ad interiora inclinatio, & bilis sursum vel deorsum excretio. Conflictatur, pugnat per rigores contra ea, quæ infestant, facultas, donec radicitus evellantur, excutianturque.



Pulsuum hinc ratio redditur à Galeno: *De morb. temp. c. 3. 7.* pulsus in rigore durior & minor est, compressio insultus febrilis cum contractione fit, scilicet in frigore, quo tempore pulsus intus magis movetur, cum parvitate, sanguine in viscera se recipiente. *Diff. febr. l. 1. c. 7.* incipiens accessio habet pulsuum *Θλίψιν*, i. e. afflictationem seu compressionem: Etiam ubi humor aliquis vitiosus in ore ventriculi fuerit acervatus, qui ipsum aut mordeat aut refrigeret, parvi simul atque inæquales fiunt pulsus, & parvitas quidem in frigidis, inæqualitas verò in mordacibus accidit; at ubi evomuerit, hæc ambo protinus cessant. Cum verò ipse ventriculus omni noxâ vacat, ad febrium putridarum genus spectant hujusmodi pulsus. Et *lib. 3. d. presag. ex puls.* ubi systolen diastole celeriores pathognomonicum putridarum urget, compressas febrium invasiones adducit, in quibus plerosque unum ex his vel plura comitantur, rigor, horror, inæqualitas, frigus superficiei, aut vellicatio, gravitas, compressio stomachi, aut paulo post vomitus; qui aperte declarat, ex eo, quòd in ventriculum vitiosi succi confluerint, quosdam illorum vellicatos esse, alios compressos, aliquos nauseasse. Clarissime enim recedit in plerisque initiis de totâ superficie externâ sanguis, confluitque in viscera, unde compressiones & obstructions fiunt, distentionesque arteriarum præcipuarum; propter quas initiis talium accessionum conjuncti sunt pulsus inæquales, quemadmodum & languidi ob stomachum & facultatem affectam, & parvi ob imbecillitatem facultatis & frigiditatem.

Plerique morientes in febribus intermittentibus pereunt sub accessum febrilem in rigore, spirituum penuriâ, ac velut suffocati; *Helmont. de febr. c. 1. & blas humanum §. 23.*

Dum sanguis in alto est, calor vel extinguitur, vel suffocatur, ut emoriatur animal, vel resistit & repercutitur: Mori in accessionum principiis contingit vel in magnis inflammationibus principalem membrorum, vel ob humorum multitudinem, crassitudinem & tenacitatem: *Galenus d. rig. c. 7. & d. cris. l. 3.* His adde *comment. aph. 48. s. 4.* Quando aliqua fortis inflammatio in corporis parte profundiori vel erysipelas evenerit, totus ex toto corpore sanguis ad locum trahitur patientem, atque adeò uruntur profunda, cutis autem refrigeratur, ut sit in principiis accessionum. Idem in *comm. aph. 1. s. 7.* habetur casus satis exitialis, qui accidit (non



nam magnis, quæ externam superficiem exurunt, sed) vehementissimis viscerum inflammationibus: Tum calor ad se trahit per modum cucurbitulæ ex toto corpore sanguinem. Sic dum viscera peruruntur, extremæ partes frigescunt, propter defectum sanguinis ad viscera se recipientis. Et horum plerique neque tegumenta tolerant propter incendium, quod in visceribus sentiunt. His conformis est paroxyismi genesis ex 2. diff. febr. concipienda talis: Superfluitas quantitate vel qualitate molesta futura febris causa vel mittitur à firmiore in infirmam, vel generatur & servatur in ipsâ parte, ob infirmitatem expellendi, vel impotentiam ob obstructionem. Talis putredinem concipit, inde calor. Ubi accenditur atque augetur caliditas, illuc ab aliis partibus sanguis solet confluere. Quo igitur tempore confluit, illas quidem privari sanguine est necessarium, quod verò patitur membrum gravari & distendi; Ipsumq; confluentem sanguinem alterari, & quod aliis quæ jam putruerunt superfluitatibus permisceatur, & quod diffilari, utpote impactus, non possit. Quod totum est accessionis principium.

Calor Helmontio est à spiritu causaliter, occasionaliter à spinâ, à materiâ febrili, *cap. 1. §. 28.* Scilicet archeus, quia per rugas rigoris nil proficit, excitat blas alterativum, quidlibet motuat, se ipsum accendit propriâ thymosi, & calore suo ad gradum supra exigentiam deducto, in quo totus est molestus, quatenus supra suæ exigentiæ amplitudinem est delatus, *cap. 9.* Unde calorem non ita metuit Toparcha Merodanus, cum observet lethales & pessimas febres vix calere, *cap. 12.* & nequaquam formidat hoc sensu febrem increvisse, eò quod archeus fortius insurgat ad expulsionem radicis febrilis, illam autem febrem adauctam horret, quam symptomata lethalia adaucta sequuntur. Aliàs caloris nostri genesis est à motu cordis & concussione pulsuum, à sanguine arteriali, partim salso, partim pingui sulphureo: Spiritus salsi volátiles & sulphur sanguinis in thecâ cordis per pulsuum sese confricant, & accenditur lumen formale cum calore in spiritu vitali, *tr. in sole tabernaculum*: Potestas autem quælibet, & potissimum motiva, facile extravagatur, concita tam à causis contingentibus, quam proprio amentia nutu.

Galenus succedaneam hyemem platonica æstatem terminis antecessorum suorum, totumque adeo negotium ita explicare studet,



*de rigore c. 6. & 7.* ubi in febrili accessione, dum exteriora refrigerantur, cum sanguine calorem inclinare in altum, commeari in profundum corporis observat: Utar, inquit, non meis, sed veterum virorum vocabulis; connatum nostrum calorem, intro proficiscentem, justius dixeris resilire, impelli, reprimi & confugere: foras autem tendentem erumpere, excuti, elabi & exilire. Etenim & hæ vetustiorum hominum dictiones omnes probè prolatae sunt, & affectum quàm licet maximè manifestò interpretantes.

Conveniunt autem multum Galeno calor innatus, natura, substantia per se mobilis & semper, spiritus & impetum faciens Hippocraticum, *d. caus. sympt. 2. c. 5. d. rig. c. 6.* Et gravior febris post rigorem urget, quàm antè, quia ex valentiore bilis motu vehementiorem accendi calorem rationabile est; rigor ergò non quàm frigus causum profligat, sed quàm bilem moveri & excerni arguit. Vel, post rigores corpus amplius incalescit, quia cum sanguine & spiritu repressus calor intus colligitur, reluctatur, revertitur foras & expanditur, insultu, ictu, motu accenditur, uti lignum aut lapidem atterens confricansque nonnunquam ignem accendes, & uti luctantes, currentes, confricantesque, ac alio modo se moventes, nihilo minus incalescunt, quàm si quis in sole æstivo & apud ignem incaluerit. Nec tamen hic Ipsi motus, insurgens adversus obstacula, ea propellens, viasque puras reddere contendens, sola caloris causa est, sed & accusata materia, diffusa bilis, coadjuvat ad magnitudinem caloris, *loc. cit.*

Anima se retrahit, diffundit, subtrahitque motu sibi proprio, prorsusque diversimodè in somno, vigiliâ, extasi, syncope, propriis perturbationibus, &c. *Helmont. tr. Demens Idea.*

Est etiam Galeno, citato toties *d. caus. sympt. libro*, ex primis & qui maximè principalis sunt notæ motibus ipsa naturalis caloris intrò forasque delatio, cum quo simul spiritus ac sanguis (in quibus animæ substantia vel est, vel quibus ut instrumentis utitur) aliàs intrò & ad ipsum principium feruntur ac contrahuntur, aliàs foras tendunt & funduntur. Licet autem motus hos evidenter contemplari, cùm in aliis multis, tum maximè in perturbationibus animæ; quas proin ad illustrandam pyretologiam ita deducit: Per timorem & spiritus & sanguis intus sese recipiunt, quo fit ut algeant partes in superficie positæ idque adeo interdum vehementer, ut



nonnulli rigore quoque arripiantur. Per iram verò solvuntur ac disperguntur, proindeque exteriora incallescunt. At agonia, affectus ex utrisque conflatus, inæquales habet motiones. Jam & cordis & arteriarum pulsationes & minimæ & perquam debiles in trepidantibus esse videntur; sicut in iratis maximæ & validissimæ: at in agoniâ sunt inæquales. Per verecundiam animalis facultas in primis quidem ad interiora movetur, sed rursus affatim redit ad exteriora: Nam si non redierit, non verecundia, sed timor censerî debet. Ut autem in timore confertim, sic in tristitiâ paulatim ad interiora fit motus, magnitudine duntaxat ac vehementiâ, non toto genere, differentibus inter se pathematis. Atqui nonnulli ob subitum timorem perierunt, id quod solet contingere, ubi debilis suapte naturâ animula, sub validâ perturbatione confertim & extinguitur & suffocatur; Etenim extinctio affectum ex refrigeratione ortum consequitur, suffocatio autem concursum sanguinis universi ad ipsum principium. At ex iratis nemo mortuus est unquam, utpote quibus neque calor refrigeratur, neque robur dissolvitur. Præ gaudio autem nonnulli supra modum pusillanimes animam exhalarunt, quemadmodum & timentes. Jam dolor, è diverso cogens moveri animam, haud leviora symptomata, quam maximus timor, inducit; quippe laborantes decolores fiunt, refrigerantur, concutiuntur rigore, tremunt, pulsus habent minores, exolutosque, ac tandem similiter iis qui perterrentur moriuntur: Nam & in iis fugit insitus calor ad suum principium, animaque simul & solvitur & extinguitur. Per rigorem itaque frigus non internarum, sed externarum partium sentitur; ob incursiones autem vehementes, rursus magnâ vi calor revertitur.

Meam de fede febrium sententiam, scribit Helmontius, confirmant nausea, præcipuè carniû, piscium, & omnium quæ facile cadaveris instar olent perhorrescentia, mox à febrium introitu, consternata digestio, & cætera indicia oblæsi dumviratûs in actione regiminis; Malè quoq; tunc audiunt Ipsa famosa carniû juscula, quòd facilius putrescant, quam digerantur, minimè nutrant corpora juxta Hippocratem impura; *cap. 12. 17. Et tr. victûs ratio.* Sitis autem febrientium etiam in frigore non manat à calore, ut neque à siccitate, prout aliàs contingit in siti naturali; Ideò enim nec exhibito potu sedatur, quod regulariter fieri deberet, si à sicco & calido



calido sitis ista oriretur, & non potius ab excremento, quod facultatem sensitivam ejusque organum male affectat, illudque non fecus, atque si repente magna siccitas advenisset. Delinit fallacem ejusmodi sitim acidum sulphuris, non secus atque aqua ignem extinguit. *cap. 1. Et tr. latex humor neglectus* sitis defectus laticis deturpati vel egestate penuriosi est. At *in tr. conf. morb. sed.* sitis inextinguibilis febrientium prodit non tam propriè ex materiæ acrimoniâ irritante, quàm ex ipso sensitivæ furore, affligit proin non nisi in suis stationibus, licet eadem materia, imò atrocior calor, in vigore premat, quàm aliàs.

Hoc quoque tertianis causisque febribus adjicere possumus, quod quartanis non inest: Etenim plurimi sitiunt, & calorem per imas partes in ipso rigoris tempore sentiunt; quorum neutrum in quartanâ febre rigentibus accidit. Tertianæ remittente rigore, resolutis extremorum algoribus, æstus vehementis sensum intus esse & sitis, Galenus notat *d. rig. c. 7. d. morb. temp. c. 3. Et de sympt. caus. l. 1:* Si falsi aut biliosi humoris vitio ventriculus mordicationem senserit, potionem magis quàm cibum desiderabit; denique *d. nat. facc. l. 2:* Cum ubi plurima in ventriculo flava bilis continetur perpetua siti urgeamur, signum est, potestate ipsam calidam esse & siccam.

Tempestivum videtur hîc meminisse *Fernelii*, cui vapulat Galenus, & qui vicissim, ut fieri amat, vapulat *Helmontio*. Ille *pathologia sua libro quarto capite nono* febris intermittentis materiam non è venis in habitum corporis propelli, sed *capite decimo* eam potius circa præcordia adhærescere probat. Transeant modò, quæ super his disputat *Zacutus Lusitanus* in Medicorum Principum Historiâ, illud hujus loci est, quòd in hoc *Fernelius* laudem meruerit *Helmontii*: Videtur tamen non difficile collectu, ex ipsis Galeni verbis, rigoris causam illi esse motum bilis etiam intrò; Insuper concedit *Fernelius*, effundi de materiâ ex præcordiis vaporem retrum in corpus, qui possit esse frigoris & horroris causa altera. Prorsus uti & *Helmontius* agnoscit vapores acidos, indigestos & nidorosos suscitari è præcordiis, euntes in loca impropria, ut sic augeant frigoris causam; qualis & halituosus acor pertingat ad superficiem corporis sub frigore insolito in erysipelatis initio,



*d. febr.* Hoc tempore ita quæras : Num quid infundatur massa sanguinis , quod eam cogit , partesque laceffit ?

Illud autem , quod in Fernelio non tulit Helmontius , est causa , in quâ non , ut in nido constituendo , à Galeno recessisse ipsi visus est , stramineis vinculis humorum putridorum se extricare non valens. Audit enim illa humor supervacaneus , qui è sanguine prolectus , in propria conditur receptacula , antequam is hepar transcendat ; Est bilis flava , affinis ei , quæ in fellis cysti conditur , pro tertianâ , pro quartanâ bilis atra in lienem refusa ; Illa enim tota liberaliter reddita febrem omnem penitus extirpat atque solvit ; illam etiam vomiturus rigescit , multoque magis , qui alienum vitiosumque cibum , velut fungos sumpsit ; comparandus cum alio , cujus præcordia mordax medicamentum ferit , aut cutem nudam. Sc. vel bilis est , vel in bilem cadit , aut bilem facit causa , venenum , fermentum , veniens ab extra.

Notabiles tandem sunt rationes Fernelii , quibus sedem rigorum & horrorem febrilium fundat circa ventriculum , diaphragma , jecoris cava , lienem , pancreas , omentum aut mesenterium. Partim enim ad experientiam provocat , quod accessionis initio humidi foci aptè calentes præcordiis impositi , maximè verò lieni in quartanâ , jecori in tertianâ , aut alii cuicunque sedi fomes inesse deprehendetur , horrorem leniant , mali fontem demulceant ; partim in prima illâ regione annotat esse publicam quasi corporis sentinam , in quam omnis confluat humorum colluvies. Insuper considerat illas partes in præcordiis ob membranas quibus sepiuntur & nervos à sextâ ( tum temporis ita dictâ ) conjugatione deductos non modò eximio sensu præditas , sed & magnâ societate tum principibus tum externis partibus connexas. Sic tandem accessionis phænomena , tussis sicca , oscitatio , suffocatio , anxietas , præcordiorum distensio ac dolor , nausea , ( sub rigoris finem ) vomitus , albæ tenuesque urinæ ( nam futuræ rubræ crassæ bilis portioni in venas irrumpenti debentur ) arguunt acrem & turgentem bilem impetu ferri in præcordiorum membranas. Ut ita ex imo ventre primariò afficiatur genus nervosum , venosum consequenter , & fiat nixus introrsum per principium paroxysmi spasmodicum.

*Tantum de his per modum tentaminis ad parallelismum :*

*Quod reliquum est occupent hæc affinia*

COROL.



## COROLLARIA.

### I.

**Q**uoniam Galenus in febribus universis ad urinas precipuè attendendum monuerit, febris inde speciem & totius morbi tempora docuerit, sedimentum earum cum coctione puris compararit, sub respectu ad naturam tam in febribus quàm inflammationibus vel superantem, vel superatam; Virgulam tamen censoriam experitur Georg. Hieron. Welschii in Cur. propr. dec. ob id, quòd urinarum ante & post paroxysmos missarum discrimen, tanquam *τετατοιο γενως* intermittentibus febribus commune & proprium, non satis determinarit: Eas sc. paroxysmi tempore minus coloratas, interdum prope naturales, conspici, diebus autem intermediis extra illum rufescere, sedimentum continentes bolo armenia non dissimile; siue agro se habente benè, urinam videri malam.

### II.

*In textum* 23. libr. 6. Sect. 5. Epid. Hipp. Quacunq; tertiana naturam habent, his nox ante accessionem molesta est, Galenus ita commentatur; In omnibus ferme tertio quoq; die accessionem habentibus febribus, præter exquisitas tertianas, nox ante accessionem reverà molesta esse solet. Quod si & in exactis tertianis id nonnunquam eveniat, iudicationem sequenti die futuram portendit, potissimumq; si & reliqua futura iudicationis indicia consentiant.

### III.

*Phenomeni* Hippocratici ex libr. 6. epid. sect. 8. §. 28. Febres in quibus labia ulcerantur equaliter intermittunt, ac tertianis refrigerationes sunt, Galenus rationem querit in vapore acro, qui illa à vehementiâ febris



amandatur, partesq; illas quasi ardore quodam consumit. Pechlinus critici quid in eo exanthemate observans, aliquid tamen difficultatis in hoc agnoscit, cur potissimum ad os se convertat & labia, hinc querit: An, si joculari licet, eâ parte, quâ peccatum est, expiari noxa debet?

IV.

Ad aph. 59. s. 4. (Tertiana exquisita septenis circuitibus, quod longissimum est, judicatur.) commentatur Galenus, tum in quartanis tum in tertianis fieri judicationem ad numerum circuituum, non dierum; Et Heurnius: Qualis est dierum ratio in continuis, talis est ratio periodorum in intermittentibus. Sic ferè statum habet quartâ accessione.

V.

Quia illa tertiana non est exquisita, nec sui naturam puram servat, quæ non habet flavam bilem redundantem & motam, nec præterea tempus æstivum & locum, & ætatem, & temperaturam tempori similem, ex commentario citati modò aphorismi, patet igitur, spuriarum sive notharum esse multas; Et ex his autumnales, æstivis jam olim contradistinctas ab Hippocrate, tanquam magis ferinas, sive ob vermes, sive ob omne malignum vitium; ita predicatum illud explicante Pergameno in comm. epid. lib. 2. sect. 1. & lib. 6. sect. 1: Ubi annus ad vesperam suos morbos, & dies ad vesperam sua initia exacerbationum habere, sive dies toti anno, atq; adeo vesperi autumnus proportionem respondere traditur, ut, quale est acerbari vesperi, magis quàm aliis horis diei, tale sit ipsius morbi, i. e. autumnale, quod anni tempus passim male audit Coo; qui loc. cit. genesin autumnalem & motum vespertinum ascaridum videtur conjungere. Consulatur Vallesius commentator.







